



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 395. Usque Ad Annum 428

Fleury, Claude

August. Vind. [u.a.], 1759

VD18 90117794

§. 37. Eutropii Casus.

[urn:nbn:de:hbz:466:1-66042](https://nbn-resolving.org/urn:nbn:de:hbz:466:1-66042)

dictæ desiderium expleret contra Tima-Sæculum IV.
 sum, celeberrimum belli Ducem, qui ipso A. C. 399.
 instigante damnatus, & in deserto Oasis Soz. VIII.
 exulare iussus fuerat, ubi & vitam clau-
 sit; nam cum Timasi uxor Pentadia ad
 Ecclesiam confugisset, hanc legem publi-
 cari mandavit, qua non solum prohibe-
 batur, ne quis impofterum illuc confuge-
 ret, sed etiam illi, qui ibi isto jam tempo-
 re detinebantur, expelli jubebantur. Hæc
 lex occasione fuisse videtur Concilio Car-
 thaginensi, 27. Aprilis anno 399. celebra-
 to, ex quo Episcopi duo, Epigonus, &
 Vincentius legationem in se susceperunt,
 ab Imperatore legem impetraturi, ne li-
 ceret ex Ecclesiis reos auferre, qui, ut
 pœnas criminibus debitas effugerent, il-
 luc se recepissent.

To. I. Conc.
 p. 1642.

§. XXXVII.

Eutropii Casus.

Necdum a promulgatione hujus legis
 sex menses effluxerant, cum illius
 auctor Eutropius eandem transgredi com-
 pulsus est. Is supremum potentiae api-
 cem attigerat. Patritii Dignitate fulge-
 bat, atque effecit, ut Consul in Oriente
 anno 399. cum Collega Theodoro in Oc-
 cidente proclamaretur; exemplum erat
 novum sine exemplo, quod aliquando spa-
 do Consul esset. Divitias possidebat im-
 mensas, atque in dies accessione bono-
 rum

Sæculum IV. rum illorum, qui damnabantur, & offi-
 A. C. 399. ciorum omnium venditione crescebant.

Tandem Gainas, Dux belli, Gothus na-
 tione, qui exercitibus præerat, semiviri
 arrogantiam non tulit. Ergo occultis ar-
 tibus Tribigildum, propinquum suum, ex-
 citat, ut Phrygiam vicinasque provincias
 depopularetur, sicque Imperator Arca-
 dius, a Gaina proditus, pacem emergere
 Zosim. lib. 5. coactus est Eutropii sanguine, quod ho-
 p. 793. Soz. mo unus omnium in Imperio malorum
 VIII. c. 7. causa existeret. Ajunt etiam, eousque
 Philost. II. Evnuchi insolentiam crevisse, ut Impera-
 c. 6. tricem Eudoxiam in faciem offendere non
 pertimuerit, minatus, eam Regia ejicien-
 dam, quæ cum apud Imperatorem mulie-
 bribus lacrymis contumeliam deflevisset,
 hoc demum ariete commotum Arcadii
 animum, ut in Eutropii exitium consen-
 tiret.

Eutropius in extremis angustiis ad Ec-
 clesiam confugit, ut vitam salvaret, at-
 que S. Chrysostomus trepidantem vi ra-
 pere volentibus generosum pectus oppo-
 suit. Imo, occasione arrepta, orationem
 ad populum pronuntiavit, maxima enim
 multitudo ad insolitum spectaculum ac-
 Orat. in Eut. currerat. In Exordio S. Chrysostomus re-
 Tom. VIII. rum humanarum vanitatem, & fortunæ,
 p. 67. Tom. 4. dum fraudulenter arridet, fragilitatem
 p. 481. audientium animis repræsentat, atque ad
 Eutropium conversus, dicit: *ubi sunt jam*
 eorum

eorum greges, qui tibi famulabantur? qui, Sæculum IV.
A. C. 399.
cum in plateis incederes, populum arce-
bant, teque laudibus super astra tollebant?

Fugerunt, amicitiam negarunt, tua ruina
propriam salutem quærunt. Alia mens
nobis est; ecce Ecclesia, quam persecutus
es, sinum aperit, ut periclitantem recipiat!
Et theatra tua, adeo dilecta, quæ tantis
tibi impensis steterunt, quorum causa toties
nobis irascebaris, miserum prodidere! hæc
non ideo assero, ut prostrato illudam, sed
ut stantes ad cautelam admoneam. Tum
de Eutropio loquens adjungit: heri, cum
ex Regia advenirent, qui hinc nolentem vi
avellerent, ad sacra vasa cucurrit, pallore
similis mortuo, omnibus artibus tremens,
voce interrupta, lingua balbutiente lo-
quens. Tum auditores ad misericordiam
hortatur, & sibi ipsi objicit: dicetis: hoc
ipsum Asylum iste editis legibus occlusit.
At jam, quam impie fecerit, propria ex-
perientia docetur, omnium primus latam
a se legem violavit, ejusque periculum om-
nium Christianorum, & Gentilium Doctri-
na est. Sic Altare omnium animis sacrum
terrorem, & reverentiam fortius inspi-
rat, dum hunc leonem tenet ligatum; ima-
go Principis est, qui devictos, captosque
barbaros pede proculcat. Et inferius: an
vestris animis lenitatem reddidi? an
iram expuli? an crudelitatem extinxi? an
misericordiam excitavi? ita profecto cre-
do,

Hist. Eccles. Tom. V.

I

do,

Sæculum IV. *do, id vultus vestri, & lacrymarum tor-*
 A. C. 399. *rentes testantur. Eia ergo eamus! &*

Eutropius. *pedibus Imperatoris advolvamur! aut po-*
tius Deum Misericordiæ obsecremus, ut
Cæsarem mitiget, & plenam concedat gra-
tiam! jam enim mutatus est Arcadii ani-
mus; cum audivisset Eutropium in hunc
locum Sacrum confugisse, & aulici omnes
Principis iram contra reum stimularent
peterentque sibi tradi, ut improbum jugu-
larent, miseri causam egit, lacrymas fu-
dit, & facta mentione de Sacra mensa, ad
quam fugisset, tumultuantium furorem
compescuit. Mitigato Principis animo,
an non vos omni gratia indignos redditis,
si irasci non cessatis? quo animo ad sacra
Mysteria accederetis, qua fronte peteretis
peccatorum vestrorum veniam? imo Deum
Misericordissimum obtestemur, ut miserum
a morte liberet, & spatium det, quo cri-
mina expiet. Id est, quo Baptismum ac-
cipiat, quippe Eutropius Infidelis erat.

Hæc oratio effectu non caruit, & S.
De promiss. Chrysostomus tunc quidem Eutropio vi-
Dei apud tam servavit; at non sine labore, non sine
Prosp. p. 3. pugna id factum; in Ecclesiam cum ar-
c. 38. mis concursum, expediti gladii, S. Epis-
Serm. in copus in Regiam ductus, sermo, quem
Psal. 94. coram populo dixerat, crimini verteba-
Tom. 5. p. tur, mors denique intentabatur; sed ho-
100, rum nihil viri constantiam concutere va-
 luit, Eutropium non reddidit, & osten-
 dit,

dit, sicut ipse dicit, robur Ecclesiæ esse ^{Sæculum IV.}
 invincibile, in oratione fundatum, illius ^{A. C. 399.}
 nempe Ecclesiæ, subjungit: *quæ non in loco, nec in muris, aut tectis, sed in mori-*
bus, legibusque consistit. Id est; illud, ^{Matth. 16.}
 quod ad sacrum Asylum confugientibus ^{18,}
 securitatem præstaret, non esse portarum
 & structuræ firmitatem, sed Religionis,
 & Sanctitatis, qua Ministri ejus fulgerent,
 reverentiam. Nihilominus captus est
 Eutropius, sed sua imprudentia, cum Ec-
 clesiæ ambitum esset egressus, damnatus,
 & in exilium in insulam Cyprum, ut ibi
 dies finiret, missus. Bona omnia fiscus
 abstulit, ejus memoria omni honore pri-
 vata, nomen ex fastis deletum, & isto
 anno unius tantum Consulis nomen refe-
 rebatur, nempe Theodori, probissimi viri,
 Christiani, & docti, quem S. Augustinus, &
 Poeta Claudianus laudarunt. Condemna-
 tio Eutropii data legebatur decimo sexto
 Calendas Febr. Constantinopoli, Consu-
 le Theodoro, id est, 17. Januarii anno
 399. At Eutropium vivere Gainas non
 est passus; obtinuit, ut ex Cypro Calce-
 donem adduceretur, ubi, restaurato judi-
 cio, capite truncatus est.

^{Aug. 1. de}
^{ord. c. 11. 1.}
^{retract. c. 2.}
^{Claud. de}
^{Cons. Theod.}
^{lib. 17. C.}
^{Theod. de}
^{pæn. 28. Zos.}
^{l. 5. p. 794.}
^{Philost. X.}
^{c. 6.}

§. XXXVIII.

S. Joannes Chrysostomus Clerum suum
reformat.

Non defuere, qui sermonem S. Chryso- ^{Socr. VI.}
 I 2 ^{stomi c. 13,}